

金

石

萃

編

金石萃編卷五十六

賜進士出身 誥授光祿大夫刑部右侍郎加七級王相諡

唐十六

于志寧碑

碑高九尺七寸五分廣四尺四寸二分四十五行行九十五字正書額題大唐故柱國燕國公子君之碑十二字篆書在三原縣北五十里三家店

上出閣其閣下金剛避難閣慶靈閣英賢閣南閣川閣亦

閣傳太宗口口三口口口公贈口口口恒等口州諸口

口口口口口口口口口口口績茂口口功口口口

跨口口之十亂邁炎靈之三傑祖義隨上柱國瓜口口

○四州刺史○○○○○○○○○○○○○○○○○○○○

○○○○○○○○○○重簪纓器名瑚璉位登上列政治藩

維父宣道隨車騎將軍上○○○○○○○○○○○○○○

○○○○○○○○○○開國○○○○○○孫殫身浴德既揮翰於風

沼亦拊翼於龍樓○○○○○○○○○○○○○○○○○○

○○○○○○○○○○沙五州諸軍事○州刺史○○○○

○漢○欽無忌之○○○○重中郎之德以今望古何以

○○○○○○章○○○○德降生稟○○○○○○○○英靈於

嶽瀆亦猶嵩華峻極杞梓之所○叢疏闡仙宮瓌產於

焉孕育○○○○○○○○○○○○○○○○○○○○○○○○

口媿其口口口口其該博延口曲臺之口金口玉簡  
 之書冊府口口石渠口要莫口口口口探贖鈎深辯  
 漢陵之竹簡識楚江之萍實同陳室之未掃若董園之  
 不規輶廊廟之宏材懷佐口之口略口口而口梁口口  
 口口口口口口之口口口口重之曰斯口隨仁壽之  
 末調爲口口挽郎口拜朝請郎口班例口口而隨德不  
 競政紊朝昏公藏器待時逍遙文史口以偃仰貽謂方  
 就末班大業十年拜清河縣長爰屈上才口口下口所  
 口口口口口口口口口口口口口口口口口口口口  
 口口口口口口口口口口口口口口口口口口口口口  
 口口口口口口口口口口口口口口口口口口口口口

金石錄卷五十一  
二  
口覺口乃時口口弃彼離心叶茲同德若公孫之歸漢  
似文若之違表 口口口口口賜以乘馬即拜

銀青光祿大夫 太宗文皇帝口口口口口口口口

口口口率口旅口口中莫府初開俊賢翹首辟書旣  
下以公爲渭北道口軍救煌口口口口口口口口口口  
口口口口口口口口軍口口口羽口口口公連比口口口  
口口算口口口之足樂異孔璿之口富豈唯參預帷幄  
抑亦儀表人倫義口口年代平口師勳加授左光祿

太宗進封趙公府寮亦並隨改及遷口仕夏朝政惟

新 太宗胙土八川分封百二公復策名口府仍司

管記□□□□大□□討□□□□□□□崇勳  
行賞□授上柱國武德元年九月拜秦王□曳裾碣館  
躡履平臺邁□輔之□□繼祖仁之微烈薛舉因隨末  
害亂命侍嘯侶竊據汧隴毒害黎元 聖朝愍愍塗炭  
龔行天罰乃 詔太宗爲□討行軍元帥公復以□□  
□□□□□□□ 皇基草創□夏未賓 □□□  
分陝□征以□□□□□大行臺摠維衆務公以本任  
兼度支郎中尋檢校行臺左丞并知膳部郎中事復奉  
勅爲華州團副使仍授騎官軍副公厲兵秣馬明賞  
慎罰□□□□□□□□□□□□□□□□□□□□□□□



□□□□右庶子加散騎常侍以□□宮多所□益賜  
 黃□一斤賜絹百匹 太子□□□侍春坊多□□歲  
 既□宏益宜加優賞七年檢校□州刺史尋□調護寄  
 □□舉□□□□ 綸□□□□部十年進齊爲公邑  
 一千戶□□□ 太宗墨勅荅曰忽省來表謙言周  
 備若非至誠於國誰能披露□心如斯情常然傳□□  
 鈞何以過也卿□□□無□□□□□□□□□□  
 □□□□□□□□□□禮□□□□□□□□□□  
 □□未及拜制卽詔授本職公□□陳情 勅令中  
 書侍郎岑文本就家喻旨云忠孝不並我兒須人輔弼



卿宜抑割豈可徇以私情公固陳哀苦竟被奪情以公  
□□□札令□□□公□□□□□□□□□奉勅既  
而□氏失德昵□姪□□□□歸竭誠已□□□□  
□□□以進□規遂瀆相諫斥潛謀毒害厚賂凶人密  
相要劫賴公積善卒免路隅及歟各彰間遂至廢黜春  
官官屬皆羅□譴以公□□□□□□□及□華  
□□□求□□□公□在帝心復拜左庶子加銀  
青光祿於□□□□翼鶴□飛□邁□□之清塵跨應  
徐之勝跡十八年拜金紫光祿大夫行衛尉卿判太常  
卿事五禮任隆八屯寄重兼而歸我僉論無違又以本

□□□□列□廿一年遷禮部尚書八□清華五曹樞  
要官□北斗名重南宮竭訐謀以佐時宏損益□□□  
□厲□其明允□□稱其博聞廿三季以本官兼太子  
左庶子因謙 上謂之曰以卿恭厚長直爲朝廷所知  
在府日其令田一種故重□□職尊奉□ □遷□侍  
□今 上□廩憂勞億兆公勵誠□節□往□□庶績  
咸□彝倫攸敘永徽元年加授光祿大夫進□燕國公  
邑三千戶大開茅社廣列山河榮命旣隆 朝望斯重  
二年八月拜尚書左僕射□本□□端□望重自非□  
□□緯□經□安□□□□□□□□□□□□□□□□



口即遣與立口一員口官不須辭退也及 鑾駕東巡

留公居守 駕還之後屢更陳閉自此踰年方蒙 恩

許乃高謝左執遷太子太師同中書門下叅口口口

口口事口口口榮州刺史公口言口口待罪鞠躬俄有

恩詔遷岐州刺史考績入口口除華州口口口為

政頻蒞近畿忠信既孚鈞距勿用屢辭老病 詔許懸

車仍降殊 恩聽朝朔望將欲祭奉華蓋陪侍登封口

行至于洛口口疾口口口屢口口口口竟無口於膏肓

以麟德二年十月廿日薨於東都安衆里之第春秋七

十有八 皇情口悼頻口 綸言喪葬所須並蒙官給

各令京官五品檢校將送并給靈輿車乘言旋京宅追  
贈使持節都督幽易媯檀平燕六州諸軍事幽州刺史  
□□□□□□□□□□石□以□封元年歲次景寅  
十一月癸亥朔□二□甲申葬於雍州三原縣萬壽鄉  
清池里奉常考行謚曰定公禮也惟公局量宏遠識度  
淹通空谷無私虛舟不忤雖復孔牆數刃無以測其高  
深黃陂萬頃不足方其涯淡□喜愠於□色絕□□於  
胷衿□□□□終如始加以□悅墳典崇尚□□備  
百行而無擇耻一□□□緣情極綺靡之能體物窮  
瀏亮之趣雕龍謝其煇煥吐鳳慙其符彩所著文集勒

成七十卷兼復情敦孝悌愛結州親因心竭口

口口口口口口口口口口亦口依仁既隔宅以恤孤

亦指附以周給及乎殫冠策仕釋褐登口屬隨鼎之已

口逢區寓之口裂公乃口口下邑屏跡丘園避亂政之

昏凶俟 真人而口用 太宗口居上口口口口口

口口口口口口口口口口夙陪鳳邛 君王分庭待士築館欽

賢道覆下之清風軼平臺之勝軌鄒枚慕義樂劇來賓

口口口口八口公口口口貞觀之後名位斯隆口口已

來口任尤重丹青帝載粉黛玉猷口務口亨口口口允

加以口口口口口口口口口口不可口口口口在

口口口口口口口口重口居心數服馬而方對旣而監修  
國史寶錄口五代史等才兼口口口口口口尋卽口口  
口諸祕口口口賜物二百段再加封口口口口口監撰  
新禮顏文口定口口口口五經正義復蒙厚錫 車駕  
口有行幸卽令公於宮城居守口留臺事正口朝賀口  
羽儀車服焉又於東西二京萬年宮各口田宅其內口  
口口寶器服物等前後 口賜不可勝載委任恩遇莫  
之與京及易寶之辰遺令薄葬盟器下帳一口口口  
載以柳車飾之以素其子口奉不敢違越斯實人倫之  
師表朝廷之羽儀者歟夫人宏農劉氏曾祖延魏太子





司□□□□□□監修國史護軍彭陽公敦煌□□□  
棻藉□楊之舊睦投□□□分爰自青襟便申莫逆  
契闊談宴逝將六紀分財謀事子實我知諱直多聞余  
蒙其益豈謂後事之託竟屬元常先逝之悲遂□公達  
絕□之歎已矣如何乃爲銘曰

流分若水祚始周原決曹仁恕延尉平反邁種弗已靈  
慶斯繁望隆華轂譽重高門金行失御王事靡盬言違  
苛政適茲樂土運屬興王位隆台輔□□□□□□  
組堂堂□□是□宗臣寄深□□□署經綸剛公體道  
都督依仁化□□□名高措紳英靈允集降生王佐碩

鳳成芳猷遠播言無可擇行無貳過牆刃罕窺唱高  
黨和資忠於孝釋褐登朝以茲上德爰膺下寮鶴志斯  
遠驥足方超運口舟覆時逢道銷口人鬱口口口口  
口從口文房參陪戎律代藩曳履梁園珥筆雅說解頤  
清文口疾下武膺運赫赫明明首席藩邛貳職春卿  
鳳沼揮翰龍樓振綬忠勤表節諒直馳名旣莅宮端復  
臨政本賦惟叅乘寄深補衮德重禮口道光儲口在口  
思口口口口損吉凶口域苦泰口依口簪朝列口冕王  
畿牙施寬猛口舉口口貪殘屏迹悻獨知歸遐壽未窮  
逝川遽閱易簪遺試旣明且哲口口口重芻靈靡設善

終令始蹈名全節將歸郭北駟車上東口行口口 詔  
口口隆口口口口口口口口高口口口微烈無窮

右唐于志寧碑以考唐史列傳其微時所歷官史多  
不書今亦不復錄錄其尤著者碑云大業十年爲清  
河縣長而傳云爲冠氏長碑云自中書侍郎遷兵部  
授蒲州刺史不赴爲後衛尉卿判太常卿事以本官  
兼雍州別駕遷禮部尙書而史皆不載中云自侍中  
拜尙書左僕射同中書門下三品頃之兼太子少師  
遷太傅顯慶四年以老乞骸骨詔解僕射更拜太子  
太師仍同三品今以碑考之其初拜僕射也未嘗領

中書門下三品至罷僕射乃爲同中書門下參謀朝  
政皆史家之誤又案百官志唐初宰相有參議朝政  
參預朝政參知政事其後有同中書門下三品同平  
章事永淳中遂以平章事入銜而獨無參謀朝政之  
名蓋惟見於此耳

金石錄

右碑趙氏据志寧自冠氏縣長歷官同中書門下三  
品證新舊史之脫漏顛倒詳矣尙有未盡者如碑云  
曾祖謹祖義父宣道義仕隋爲名臣自有傳史乃遺  
之以冠氏爲清河者新史也卒於麟德二年舊史與  
碑同則劉氏之書未敢盡以爲可議已

金石錄

碑文剝落未知誰氏撰書亦不知何年所建但薨於麟德二年十月而葬以乾封元年丙寅歲十一月也癸卯夏予旣得盡讀三原諸石碑縣志以此碑爲于立政碑予竊惑之碑雖剝蝕數語可辨因考之唐書復與友人申律馳謁墓下搨其碑額曰大唐故柱國燕國公于公之碑了然無疑矣蓋吏部郎中立政爲君之子而東海公辨機黃隋刺史大猷又立政之子君墓與碑俱無恙尙有四石獸存若辨機大猷二君碑存而墓爲田矣縣志旣不載燕公又不知立政墓所在乙巳歲修秦誌董其事者爲河濱李楷叔則先

生余錄燕君墓碑始末乞改訂誌書叔則先生撰袂稱善以爲有功古人踰年余抵涪州叔則先生報書珍重云已改正乃今觀秦誌仍踵前訛何也如杜萊公如晦墓在昭陵亦復載於城南司馬村段太尉秀實墓在臨潼縣灃岸斜口鎮而復載于汧陽縣郡邑乘不足信如此類甚多也 又石墨鐫華云趙明誠有定公會孫默成碑默成爲沛令早卒以子休烈顯肅代朝亦得立碑默成不知爲辨機爲大猷之子此碑亦在三原則休烈至定公正爲五世又按碑燕公祖謹周太師謚曰綱之宣道周大將軍謚曰獻定公

七世於此可考史既多逸縣誌又已不傳賢人君子

論定公之後猶有升沈顯晦之數寓焉可慨也夫公

高陵人今邑中尙有于姓讀書出仕者來齋金石刻考略

碑下半磨泐存字二千金石文字記云令狐德芬撰

于立政書乾封元年十一月今碑中皆漫漶不可識

雍州金石記

右燕公于志寧碑碑稱所著文集勒成七十卷而舊

唐書本傳云有集二十卷經籍志又云志寧集四十

卷皆誤也新史藝文志與舊志同志寧罷相後嘗為岐州刺史

此新舊書本傳所失載而趙氏金石錄亦未之舉故

爲表而出之

潛研堂金石文跋尾

按碑文四千餘字存者約二千七百餘字蓋可讀者尙多也惟首三行漫滅過甚里貫無攷而其敘先世自祖已前不可知矣碑稱祖義父宣道以隋書于義傳考之則義之父謹是志寧之曾祖也兩唐書志寧傳亦云曾祖謹父宣道而不書其祖義今歷稽諸史詳其官閥考其同異周書于謹傳謹字思敬河南洛陽人也兩唐書志寧傳俱作高陵人宰相世系表云于氏出自姬姓邗叔子孫以國爲氏其後去邑爲于氏自東海郟縣隨拓跋鄰徙



代改爲萬紐于氏後魏孝文時復爲于氏傳至謹  
從西魏孝武帝入關遂爲京兆長安人不云其居  
河南洛陽也高陵與長安同屬京兆志寧先世徙  
代自當世居京兆而周隋史傳皆以爲洛陽則自  
謹從西魏孝武入關始也及唐書爲志寧作傳仍  
書其舊貫耳周書于謹傳謹仕周閔帝時遷太傅  
封燕國公天和三年薨贈太師雍州刺史謚曰文  
謹子義隋書傳義字慈恭仕周閔帝時安武太守  
封建平郡公明帝武帝時歷西兗瓜郃三州刺史  
隋高祖朝爲潼州總管超拜上柱國卒贈豫州刺

史謚曰剛据碑則云瓜□□□四州刺史與傳不  
同義有二子長宣道字元明周時賜爵成安縣男  
隋高祖踐阼遷內史舍人進爵爲子累遷太子左  
衛副率進位上儀同唐書宰相世系表作威安獻  
公威安或是成安之訛獻公之謚則隋傳所無也  
碑述宣道不詳周爵而稱隨爲車騎將軍下文闕  
泐有云旣揮翰于鳳沼亦拊翼于龍樓則是內史  
舍人之語也義次子宜敏字仲達仕隋高祖朝拜  
奉車都尉卒年二十九無子以宣道子爲後卽志  
寧也碑仍稱宣道爲父而宣道之後似當敘及宣

敏然文已不完此下乃述志寧之事云隨仁壽之  
未調爲口口挽郎拜朝請郎大業十年拜清河縣  
長下有缺泐兩唐書皆云大業末調冠氏長山東  
盜起棄官歸冠氏縣屬豫州武陽郡清河縣屬充  
州清河郡殆清河調冠氏碑泐不詳而史則但書  
其一耳碑云若公孫之歸漢似文若之違袁賜以  
乘馬卽拜銀青光祿大夫太宗文皇莫府初開俊  
賢翹首以公爲渭北道口軍敦煌下此皆高祖起  
義晉陽之事莫府卽幕府借用字舊書傳云高祖  
將人關率羣從於長春宮迎接太宗爲渭北道行

軍元帥召補記室授銀青光祿大夫碑云義口口  
年代平口師勲加授左光祿太宗進封趙公府寮  
亦並隨改太宗本紀義寧元年薛舉攻扶風太宗  
擊敗之略地至隴右二年爲右元帥徙封趙國公  
碑云崇勲行賞授上柱國武德元年九月拜秦王  
府口太宗紀武德元年進封秦王碑云薛舉竊據  
汧隴乃詔太宗爲口討行軍元帥闕下大行臺公以  
本任兼度支郎中尋檢校行臺左丞并知膳部郎  
中事後爲華州團割使仍授騎官軍副太宗紀薛  
舉寇涇州太宗爲西討元帥舉死其子仁果出降

拜右武候大將軍太尉使持節陝東道大行臺團  
割使唐百官志無此官恐是唐官暫置非定制也  
碑云薛舉破劉闡擒封黎陽縣開國子邑三百戶  
又以劉口重撥河北命公爲河南道支度軍糧使  
明年又從太宗討楊幹于涇州拒匈奴于北地判  
天策府從事中郎進爵爲伯邑五百戶闡下衛尉少  
卿進爵爲侯邑七百戶貞觀元年拜御史府長史  
劉闡者卽劉黑闥也唐碑書人名或單舉或雙舉  
各隨所宜太宗紀武德四年太宗加號天策上將  
領司徒陝東道大行臺五年劉黑闥旣降已而復

反七年突厥寇邊太宗與遇于幽州與可汗盟而  
去舊書傳云太宗爲秦王天策上將志寧累授天  
策府從事中郎兼文學館學士碑云三年口中書  
侍郎尋口中部侍郎闕下右庶子加散騎常侍以口  
口官多所口益賜黃口一斤賜絹一百匹太子口  
口口侍春坊多口口歲旣口宏益宜加優賞七年  
檢校口州刺史闕下十年進爵爲公邑一千戶舊傳  
云貞觀三年累遷中書侍郎太宗命貴臣內殿宴  
怪不見志寧或奏曰勅召三品已上志寧非三品  
所以不來太宗特令預宴卽加授散騎常侍行太

子左庶子累封黎陽縣公左庶子據碑作右庶子  
傳誤也傳又載太宗謂志寧曰皇子幼少卿當輔  
之以正道志寧以承乾數虧禮度志在匡救撰諫  
苑二十卷諷之太宗賜黃金十斤絹三百匹此亦  
與碑異又諫苑二十卷舊書經籍志作三十卷志  
與傳互異此書碑從略新書傳無卷數藝文志則  
不載碑云未及拜制卽詔授本職公口口陳情勅  
令中書侍郎岑文本就家喻旨竟被奪情舊傳云  
十四年兼太子詹事明年以母憂解尋起復本官  
屢表請終喪禮太宗遣中書侍郎岑文本就宅敦

論之遂起就職碑云既而口口失德昵口口口竭  
誠已口以進口規遂漸相疎斥潛謀毒害厚賂凶  
人密相要劫賴公積善幸免路隅舊傳云皇太子  
承乾所爲多不法志寧三上書諫承乾大怒陰遣  
刺客張師政紇干承基就殺之二人潛入其第見  
志寧寢處苦廬竟不忍而止碑云及覺咎彰聞遂  
至廢黜春官官屬皆羅口譴公復拜左庶子加銀  
青光祿太宗紀十七年四月廢皇太子爲庶人立  
晉王治爲皇太子舊傳云承乾敗後推鞠具知其  
事太宗謂志寧曰知公數有規諫事無所隱深加



勉勞右庶子冷狐德棻等以無諫書皆從貶責及  
高宗爲皇太子復授志寧太子左庶子碑云十八  
年拜金紫光祿大夫行衛尉卿判太常卿事廿五  
年遷禮部尙書廿三年以本官兼太子左庶子此  
所歷官傳俱從略而云未幾遷侍中碑則未見碑  
云今上口應永徽元年加授光祿大夫進口燕國  
公邑三千戶二年八月拜尙書左僕射復以本官  
兼太子少師尋而肇建中官以公兼司徒持節口  
命副君初臨甲館重道尊賢公參贊百揆陪侍兩  
宮俄進位太子太傅舊傳云永徽元年加光祿大

夫進封燕國公二年監修國史拜尚書左僕射同  
中書門下三品以本官兼太子少師顯慶元年遷  
太子太傅碑云公頻表口奏請收止足皇上弗許  
乃令中書令來濟宣旨喻懷及鑾駕東巡留公居  
守駕還之後屢更陳聞自此踰年方蒙恩許乃高  
謝左執遷太子太師同中書門下舊傳云四年表  
請致仕聽解尚書左僕射拜太子太師仍同中書  
門下三品按鑾駕東巡指幸洛之事高宗紀顯慶  
二年閏正月如洛陽宮三年二月車駕旋京碑詳  
記之而傳從略碑云上榮州刺史公待罪鞠躬俄

有恩詔遷岐州刺史考績除華州屢辭老病詔許  
懸車仍降殊恩聽朝朔望將欲參奉華蓋陪侍登  
封行至于洛以麟德二年十月廿日薨于東都安  
衆里之第高宗紀麟德二年十月戊午皇后請封  
禪司禮太常伯劉祥道上疏請封禪十一月庚寅  
華州刺史燕國公于志寧卒請封禪卽碑所稱將  
欲陪侍登封也至以志寧卒爲十一月庚寅則與  
碑之作十月廿者異也舊傳云高宗將廢王庶人  
長孫無忌楮遂良執正不從而李勣許敬宗密申  
勸請及許敬宗推鞠長孫無忌詔獄因誣志寧黨

附無忌坐是免職降榮州刺史麟德元年累轉華  
州刺史致仕許之二年卒于家碑有遷岐州刺史  
之語傳從略也碑云皇情口悼喪葬所須合京官  
五品檢校將送給靈輿車乘言旋京宅贈使持節  
都督幽易媯檀平燕六州諸軍事幽州刺史以口  
封元年歲次景寅十一月癸亥朔口二口甲申葬  
于雍州三原縣萬壽鄉清池里謚曰定公傳則但  
云贈幽州刺史謚曰定而日丙寅爲乾封元年十  
一月癸亥朔則甲申爲廿二日也志蓋卒于東都  
傳稱卒于家則洛陽之故居無恙也返葬于三原

則仍歸京兆故籍矣碑云著文集勒成七十卷監  
修國史實錄口五代史等監撰新禮五經正義俱  
蒙厚錫易養之辰遺令薄葬盟器下帳一口口口  
舊傳云前後預撰格式律令五經義疏及修禮修  
史等有集二十卷新傳云志寧與司空李勣修定  
本草并圖合五十四篇兩傳與碑互有詳略異同  
如此碑所稱五代史是指唐以前之五代但未分  
晰爲何代据新書令狐德棻傳析之曰隋梁齊陳  
周五家史當立即此五代也然不見有志寧撰次  
之名稽之新書藝文志亦惟隋書八十五卷志十

三卷有志寧同撰之名餘皆無考也又大唐儀禮  
一百卷又永徽律十二卷式十四卷式本四卷令  
三十卷散頒天下格七卷留本司行格十八卷律  
疏十三卷並有志寧同撰名又志寧集四十卷兩  
唐書同餘俱不著志寧名盟器卽明器儀禮旣夕  
陳明器于乘車之西注明器藏器也新唐書羅紹  
威傳紹威子全忠婿也會女卒使馬嗣勳來助葬  
選長直千人納盟器寶甲以入此爲明盟通用之  
證碑云夫人宏農劉氏曾祖延魏太子中庶子云  
云隨使持節口州刺史梁靈二州總管洛陽口公

偉之孫隨干牛建節尉卅武之長女也志寧蓋與  
夫人合葬碑故兼敘夫人而詳書其三世則初見  
此碑世武避諱缺末筆作卅三世俱不見于魏隨  
史傳碑又云口部郎中國子司業太子率更令使  
持節渠虢二州刺史口口口卿上護軍立政此是  
敘志寧之子舊傳但云子立政太僕少卿碑于卿  
字上泐三字當卽太僕少也碑又云金紫口祿大  
夫大司口口口口口口監修國史護軍彭陽公敦  
煌口口口蔡此是撰文者自敘金石文字記云令  
狐德榮撰子立政書蓋當顧氏時猶及見碑字姓

名尙存今則但有棻字在耳至書人爲立政則無  
可攷矣德棻自署其貫曰敦煌舊書德棻傳云宜  
州華原人先居懷煌代爲河西右族又云貞觀六  
年累遷禮部侍郎兼修國史賜爵彭城男十一年  
修新禮成進爵爲子永徽元年兼宏文館學士監  
修國史遷太常卿四年遷國子祭酒兼授崇賢館  
學士又撰高宗實錄三十卷進爵爲公龍朔二年  
致仕仍加金紫光祿大夫乾封元年卒此德棻歷  
官之大略碑則撮舉其要也志寧以乾封元年十  
一月葬德棻以元年卒是立碑之時撰文人已卒



金石錄卷五十二  
三  
矣文內安得詳書葬日以此知爲立政所增敘而  
書之也詳攷諸史與碑參校既可補史所未備亦  
可補碑之闕文故不厭瀾縷記之

### 紀國陸妃碑

碑連額高一丈五寸廣三尺九寸五分三十七行行  
七十三字正書額題大唐紀國故先妃陸氏之碑銘  
十二字篆書在醴泉縣昭陵

上闕  
口口口之迴風口口靈泉觀常儀之浴月蓄淳精於

洛口則仙媛呈姿浮淑氣於巫臺則神妃降彩識昭天

祚乘馬闡桑珪下口口口中饋靈液手口固韞異於

遐年神道會昌復摘英於  
聖代妃諱字河

南洛陽人也自大電流樞有下□□□□□□□□命□

中陽國與地分人隨代起晉人失御鍾鼎墜於金陵魏

氏乘期衣冠遷於鼎邑天保未定閔散為疏下兵□使

持節□州諸軍事洛州刺史上柱國定陵懷公惟岳降

神自天生德受黃書而萃仕拔青萍而應務漢開八校

金鉞下□□□□□□□□□□書社祖立素益

州大都督府長史太子□庶子材膺半古道亞鄰幾□

生□流之藟惠施五車之學下□□□□□□□□

□□□賢之寄護駕銅關深諧正人之舉父夷尚書庫

部兵部二曹郎中渾金在器華璋表質齊臣守境□照

乘下關 □□□□□□□□□□含香□暑旋承覆被之

□東道未申西崦曠落妃□精月媛播秀川娥體柔順

以宅躬資閑婉而居性德行高下關 □□□□□□□□

□□□□□□事親之□□□□□□垂□端□之情彌

厲父母由是特所寵異常稱之曰此女年雖幼小至於

女則婦道母儀三者下關 □□□□□□□□□□石室

藏書一覽□探奧曠察姜姪之往行雅叶貞心想樊衛

之餘風懸符風志女圖斯鑿恥飾於鈔華姪教可遵欣

下關 □□□□□□□□聰穎□□藝該通縱□體於銀鈎

垂□文□績篆□□玉霰先裁柳絮之詞歲啓制□獨

綴椒花之頌然以神乳沐雨良非躍闕下宸紫□□□姓

之□□□□問名之禮年□有三出歸於紀國曰惟大

王 高祖神堯皇帝之孫闕下□□□□□□

□□□□□□□□□□□□□□□□鴻勳表於維

翰貞觀十七年有 詔冊命為紀王妃禮闕下□□□

□□□之□三星□照符結悅之嘉期□月初開合□

笄□令節鏘八鑿於桂邛聲振歸韓駢百兩於香街禮

均迎渭來朝闕下□□□□□□□□□□□□□□□□

□□□□上□誠□□□□□式序無□□地之儀尊卑

有常克盡移天□敬暨隼旗出牧翟羽隨軒幾馭韓城



蘊智韜光悟託賢之去禍知凌人之及難此妃之明德  
七也以斯七德□□□□□□□□□□□□□□□□□□  
賢罕能□□名馳楚甸道□梁藩舉族□其徽音□□  
□其懿範皇姑降念□愛于而爲一  
睿后

流恩□密親而莫二旣而祥通鸞鷟慶動□□□□□□  
□□□□金□之□室□□□東平郡□績等六男江  
陵縣主等八女綿紳□歲咸承教經之慈□□登辰俱  
□斷機之訓是使貞姿夙茂□先日新令德彰於遠邇  
休聲顯於家□□□□□□□□□□□□□□□□□□  
棠棣之花□□謂□□九□永保□筵之□積粟萬鍾

方慶□堂之壽而福謙愆□□疾彌□□液□痾去□  
山而海絕□橫延歲贍五城而地遠風□□□□□  
□□□□□流俄啜仲由之泣□麟德□年□月廿  
六日薨於澤州之館舍春秋卅有五其日卽 考

之諱辰妃久□沉疾□斯增□情不勝哀□而殞絕

□□□□□□□□□□□□□□□□□□□□□□

衣之念歎結行路哀□措紳紀□□妃時在洛下初聞  
凶訃頗極哀痛之情旋遣悼書備竭辛酸之旨自非德  
行昭著操履堅貞何以見重□□□□□□□□□□□  
□□□□□性純□□□□□先□□侍□□易簣之

初特□□□慈母送終之禮纔使具於楸衣居喪之制  
不許越於苦寢追往慎終咸從遺命有□□□□

□□□□□□□□□□□□□□陪葬于

昭陵喪葬所須隨□官給又令京□五品監護靈輦  
還京又遣司衛少卿楊知正監護儀仗送至墓所往還  
粵以乾封元年□□□□□□□□□□□□□□□□

□□  
陵南二十三里惟妃太陰之靈仙兌

之英乘絳河以秀出體黃坤而挺生履道循規□□□

□□□學□習詩書以立身礪屐情田樹闕下七篇深窮

於旨趣榮辱一致偏□□□之言得喪兩忘殊好給園



之說由是動無悔忝居廉爽虞嚴以訓家敬以直內至

於四時享宴五朝起居或稱□□□□□□□□□□

□□□□□□□□山口歌□□摘詞雅會□□之曲聲

參夏籥韻入虞韶金石由其克諧人祇以之有悅故得

教孚縣寓德冠前修雲□奮其英蕤河緯騰其茂烈而

闕□□□□而奄□嗚呼哀哉□□□□禮備於飾□

□□戒□榮頌於 詔葬川分清渭路轉黃山拒

畢陌而疏塋控橋陰而列隧峯橫偃蓋爰標錫闕下之

闕□□□□夫□□□少卿東平郡□績等茹荼嬰慕

集藜纏哀辨厚地而無追攀穹蒼而罔逮日月遺謝愈

傷望祀之懷霜露丞濡九切循咳之痛以爲下開□□□  
鏞金禍以樹山□□銘曰

□□□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□□□  
錫類有徵□賢無墜上

庸登鉉□陵傳瑞大父忠良儲端表器顯考英偉郎官

啓位二其羅緒克昌賢才挺□□□□□□□□□□□□□□□□

□□□□□□□□□□□□□□□□□□□□□□□□□□□□  
行道專一三其稟教母儀□□

師氏□□□□□學□□史擁燧貽則佩爵成軌潔盛羞

蘋陳甘薦祉四其譽洽彤裒  
恩迺綠緜施□

□□□□□□□□□□□□□□□□□□□□□□□□□□□□

□□□潢□□□枝分景翦桐開國疏茅樹屏馴馬爰

駕龍祈載整柔講□丹功崇饒鼎其合醕貞吉諧琴作

配方咸娶女比允歸妹□□□□□□□□□□□□

□□□□□□□□□□□□□□□□□□□□□□□□

曹□月明楚觀風清春椒獻頌秋菊裁銘其水言思孝

因心則友訓子折筮承姑奉箒匪我恩洽吹薪德□□

□□□□□□□□□□□□□□□□□□□□□□□□

□□烈謂神祐仁先喪明哲悲逾輟相悼□捐玦其卜

遣夏屋 詔葬登陰地乳西距天□北臨楚挽宵

嗚哀笳曉吟峯高霧□□□□□□下歎藏舟之難固庶

貽範於穹口敬刊石於泉路

其十一

碑已磨滅存六百餘字有云妃河南洛陽人也祖立素益州大都督府長史太子口庶子父爽尚書庫部兵部二曹郎妃年十有三歸于紀國曰惟大王高祖神堯皇帝之孫又云護舉還京遣司衛卿楊知正護送至墓所按醴泉志載有紀國太妃韋氏墓乃太宗之妃紀王慎之母也此陸氏爲紀王慎之妃唐書紀王慎傳越王貞初連諸王起兵慎知時未可獨拒不與合將就誅而免改氏虺載以檻車謫巴州薨於道碑中護送至墓所必中宗復位以後事可以補史之

缺雍州金  
石記

右紀國先妃陸氏碑妃河南洛陽人年十有三歸于  
紀國貞觀十七年詔冊命爲紀王妃生東平郡王續  
等六男江陵縣主等八女麟德二年六月廿六日薨  
於澤州之館舍春秋三十有五詔陪葬昭陵以乾封  
元年景寅十二月壬辰朔九日庚子葬于陵南二十  
二里唐書紀王慎七子續琮淑秀獻欽證宗室表有  
續琮孫庄淑秀獻欽曠澄十人傳作證表作澄字形  
相涉而訛耳碑惟云六男其餘非妃所生也河南陸  
氏本出代北步六孤氏後魏太和中改爲陸氏與望

出吳郡者源流各別妃之父爽官尚書庫部兵部二  
部曹郎中隋時有太子洗馬陸爽其子法言撰切韻  
爲後世所宗與此非一人也

潘珣堂金石文跋尾

按陸氏以貞觀十七年冊爲紀王妃則附紀王葬也

與陪陵不同故史及會要諸書不著

醴泉縣志

案妃以乾封元年十二月葬于陵南二十二里紀昭

陵陪葬者及金石文字諸書皆未載

關中金石記

按碑文二千七百餘字存者一千七百餘字尙得

十之六也妃之大略多可見陸氏出自媯姓子孫

遷居吳郡凡見於史傳者大率吳郡人爲多其河

南陸姓始於北魏魏書官氏志步六孤氏後改爲陸氏通志氏族略代北有步落大人號步陸孤氏後魏孝文遷洛陽改爲陸氏碑故云晉人失御鍾鼎陸於金陵魏氏乘期衣冠遷於鼎邑也北周書陸通傳通字仲明吳郡人西魏文帝大統九年授驃騎大將軍開府儀同三司太僕卿賜姓步六孤氏進爵綏德郡公然則步六孤氏亦源出於吳郡矣步六通志作步陸攷庾子山集戎周譙國公夫人步陸孤氏墓誌銘標題亦作陸文云夫人諱某字某本姓陸吳郡人也語與周書陸通傳同錢塘

倪璠庾子山集註云周書云本姓陸賜姓步陸孤氏是以陸爲六由來舊矣北周書陸騰傳騰字顯聖代人仕周武帝時爵上庸郡公官終大司空涇州總管薨謚曰定子元字士鑒元弟融字士傾最知名歷顯職大象中位至大將軍定陵縣公碑所稱定陵懷公者似卽其人是爲妃之曾祖矣周書騰傳稱其舊貫則曰代人而騰之六世孫據新唐書附見蕭穎士傳稱據河南人字德鄰年三十到京師公卿愛其文交譽之天寶十三載終司勳員外郎又有陸堅者新書傳稱爲河南洛陽人官給



事中兼學士善書初名友悌元宗嘉其剛正更賜  
名疑皆其族屬也唐書所見河南陸氏惟此而已  
祖立素父爽史俱不爲立傳碑稱立素官益州大  
都督府長史考隋書列傳庶人秀高祖第四子開  
皇元年立爲越王未幾徙封於蜀拜柱國益州刺  
史總管二十四州諸軍事歲餘而罷十二年復出  
鎮于蜀立素之爲長史當在是時其時令狐熙亦  
爲益州長史見熙碑碑云年十有三出歸紀國貞  
觀十七年冊爲紀王妃妃以麟德二年薨年卅五  
推其生在貞觀五年至十七年冊妃年正十三也

舊唐書紀王慎傳貞觀十七年遷襄州刺史以善  
政聞重書勞勉百姓爲之立碑永徽元年拜左衛  
大將軍二年授荊州都督累除邢州刺史文明元  
年加授太子太師轉貝州刺史越王貞將起事慎  
不肯同謀貞敗慎亦下獄臨刑放免改姓虺氏流  
嶺表道至蒲州而卒貞謀起事在武后垂拱三年  
則慎之流嶺表亦在其時距如薨後二十二年矣  
妃以十七年受冊紀王卽以是年出守襄州碑故  
有隼旗出牧翟羽隨軒之語又云名馳楚甸道口  
梁蒲是授荊州都督也薨於澤州館舍澤州高平

郡屬河東道臆度其時當是除邢州刺史妃隨行  
道次澤州而薨也碑云紀□□妃時在洛下泐二  
字當是紀國太妃慎之母也舊書列傳稱紀王慎  
太宗第十子新書傳稱太宗有十四子韋妃生慎  
則慎之母韋太妃也碑云送終之禮纔使具於楸  
衣楸衣二字無攷韻會云楸與梓本同末異蓋可  
以爲送終之具者也衣卽厚衣之以薪之義此蓋  
以文義求之非別有所據也碑云東平郡王績等  
六男舊傳稱慎長子東平王績早卒次子義陽王  
琮楚國公獻襄郡王秀廣化郡公獻建平郡公欽

等五人垂拱中遇難中興初封慎少子鉞誠爲嗣  
紀王後改名澄是有七子也新書傳七子同惟澄  
作證爲異宗室世系表紀王房慎子琮之下有樂  
安縣公衡州別駕恣丹陽郡公宋州刺史庄欽之  
下有隴西郡公都官郎中曠是有十人也此三人  
惟恣無繼嗣庄曠皆傳六世旣非早夭又非遇害  
不知兩傳何以不書至碑止稱六人者或是妃薨  
之年祇有六子然不詳其名不知續之外餘五人  
者爲誰也碑云江陵縣主等八女見於新書傳者  
惟東光縣主適太子司議郎裴仲將性儉素姊弟

謂之則東光縣主有姊有弟姊卽碑稱江陵縣主者是已弟不知是誰或卽續也妃當薨逝之初卽已陪葬昭陵先遣官護靈輦還京又遣官護儀仗至墓所雍州金口記誤以護送紀王墓所爲中宗以後事可補史之缺蓋偶失檢也慎卒於蒲州道次當時不知葬于何所及神龍初詔州縣求訪復官得諸王皆陪葬昭獻二陵則紀王固在陪葬之列宋敏求長安志昭陵陪葬請王七紀王慎在其數妃嬪八人之中有紀國太妃韋氏無紀國妃陸氏則似紀王與陸氏合葬長安志載紀王不必復

書陸氏耳醴泉縣志以爲陸氏冊爲紀王妃附紀  
王葬者蓋是約略之詞仍未晰也碑云葬于陵南  
二十三里今此碑在醴泉縣北二十里西屯村昭  
陵南十里其里數今昔不同何也傳稱東平郡王  
績早卒然碑已有其名則卒于麟德二年以後五  
人遇害之前也碑無書撰人名姓碑書尙多用別  
體如从木者皆从手及晏作宴鑄作鸞又龍旂作  
龍祈借用字悔吝作悔恣从古體後人乃加心作  
恣恪又省作吝也曹口月明此句對下楚觀風清  
當用仄聲疑月明當作月朗楚挽宵碣疑是宵唱

恐筆誤也

敬善寺石像銘

碑高三尺五寸廣一尺八寸三分  
十五行行二十八字正書在洛陽

敬善寺石像銘

并序

宣德郎守記室參軍事李孝倫撰

若夫銀枝毓祉締靈影於金園  
劍雨銷氛飛惠液於沙界  
自鶴林秘彩雞山蘊迹甄  
睿像於貞金刊

瑞容於芳琬風猷不墜  
繫此賴焉紀國太妃韋氏京兆  
人也苞姿含綺霏華椒掖  
蘭儀湛秀縉美蘋隈而思惕  
紅沙浪真輝於五劍神棲  
縞霧延妙業於三珠爰擇勝

畿聿脩靈像質融虬形影體鸞鸞月逗仙河分紫眉而  
沃色星流天苑翊紺瞳而飛照懇誠已罄茂績其凝化  
鳥旌越海之功藏龜彰拔塵之果昭昭峻業難可名言  
者哉加口凝石疏基均霜表地川潔桐園之藜風送杏  
巖之香雖淨境開金慮睽口於堯海宏規籀石諒終期  
於芥城其銘曰

二靈已散一體未融動植滋夥物象相蒙情氛委岳識  
浪隨風終淪口住孰亮三空大雄降迹願津斯演瑞浦  
澄流祥山闕巘雪童戰勝檀口翼善了義西宣妙輪東  
轉萊澗攸在震區有庇望影咸圖尋光必萃粵惟德範



夙探微秘詣道雖忘瞻容乃唱珠瓔褫玩銀藏傾財林中寫塔雲外崇臺臨豪月滿映臉蓮開香煙起霧梵響驚埃南控鸞川北馳春路萬室迴曬四依輟步撫因其植披文同悟比日長懸隨山永固

碑無年月述紀國太妃韋氏造像之美其文甚麗字體亦工其寫鶴爲鵝祕爲秘襲爲誦絜爲潔翠爲羣夙爲夙皆別字云南控鸞川按中山經云葦山葦水出焉而北流注于伊水水經注云伊水自熊耳山東北逕鸞川亭北葦水出葦山北流際其城東面北入伊水世人謂伊水爲鸞水葦水爲交水故名斯川爲

鸞川也檢今方志無蕞水鸞川之目蓋後人俗呼失其音字賴碑碣流傳尋經脈水足証上古禹書非無

信耳

中州金石記

右銘無年月紀國藩妃唐書例無傳僅見陪葬昭陵姓氏案紀國除于武后時而諸王妃主自垂拱後被害者皆彙掩之神龍初詔州縣普加求訪陪葬昭獻二陵此必武后以前所刊姑附于武后之末

竹嶼金目金石目

按銘無年月竹嶼金目錄附于武后之末今考紀國太妃韋氏乃太宗之妃紀王之母据紀王妃陸

氏蚤薨乾封元年陪葬昭陵陸妃薨時太妃居洛  
陸妃墓碑有云紀國太妃時在洛下初聞凶訃頗  
極哀痛之情旋遣悼書備竭辛酸之旨云云此爲  
太妃居洛之證敬善寺造像今在洛陽則太妃刻  
銘當卽在是時因附于陸妃碑後庶爲近之

合狐熙碑

碑連額高一丈二尺六寸廣四尺六寸三十五行行  
七十八字正書額題隨故桂州總管武康郡公之碑  
十二字  
篆書

隨故□□□□□□□□□□桂州總管武康郡開國公合

狐使君碑銘并序

關德棻撰

關秀書

口關濟巨川者口口舟楫之用口口口口口梁口口  
 口是以口口口口口口口口所以口口口口口口  
 口口口百姓叶和萬邦口口口象南口口口東觀勅功  
 口樹稱口口楹口茂實於當季播日聲口口俗口口口  
 口之口口口口之口口口口公諱熙字長熙燉煌口口  
 人也口大夫口口之後口口口口口食邑口口口口  
 口口口口口口將遷口口遠祖邁為建威將軍與翟義  
 連謀為莽所害子孫避口口口口口口口口口口口口



獨步當時周武成之初始入國□□□□□□□□□□  
 □□□□□□□□□□□□□□□□□□□□□□□□□□  
 遷夏官府都上士□□□□□□□□□□□□□□□□□□  
 □□□埋案□□□階處斷若流神無滯用尋以內憂  
 去任哀毀過禮□□□□□□□□□□□□□□□□□□  
 今□□□□□□□□□□□□□□□□□□□□□□□□□□  
 □□□□□□□□□□□□□□□□□□□□□□□□□□  
 □□□不起雖□□□至性無以過之周武帝將有河陰之  
 帥詔公墨纒從事□還□賊方下大夫襲爵彭陽公邑  
 二千一百戶建德五年六月□□留知夏官府事□還

口留守功增邑六百戶加授儀同大將軍宣政元年遷  
司勳口大口俄轉吏部公筮仕之始卽在選曹其時吏  
部臨淄公唐口雅量高材望口德重口公識度每口與  
周席公以長幼口隔辭不敢當口謂公曰吾子口口口  
口口口口至此坐先後之間何足形迹口此口三口口  
踐其位當時談者咸所嘉尙公之弱歲本以鑒悟見稱  
及處詮衡大收時譽有口口口柴燎太壇詔公行納言  
事開皇元年拜司徒左長史加上儀同大將軍進封河  
南郡開國公于時景命惟新教府初立從容處物雅允  
具瞻吐谷渾竊據西垂敢窺王略朝廷出車薄伐以公

爲元帥府長史公受命忘身先登斬級所乘之馬口箭  
而斃口此力戰遂口破口蜀王以口功之季遠鎮巴蜀  
弼諧之寄僉議攸歸乃以公爲益府長史屬口行未反  
竟不述職二年敘破渾之功加上開府儀同三司俄授  
使持節滄州諸軍事滄州刺史州口口海口口舊稱口  
口口口口口口流亡獄以賄成官由貨進公下車之  
始詞訟盈庭銳情案察姦無所隱未及朞月化口訟息  
口造州門者口口口脫有口口俗以口口公莅口之  
初戶惟四万綏撫口口口口口口口口口乃口十万  
口口洛陽公朝行所闔州士庶謂公更有升口遠于將



送悲不自勝及公還也老幼相携出境迎□□□□

□□□□□□□□□□□□□□□□八年□河□道行

臺度支尙書百姓追思立碑頌德改行臺爲并州摠管

府卽授并府司馬十一季轉雍州別駕尋改爲長史公

屬精剖斷威惠兼施□□□其□□□□十二□□鴻

臚卿以本官兼吏部尙書□□□□□□□□□□□□

□許以□□及車駕□以公□侍從又判禮部度支兵

部刑部工部尙書及秘書監事 高祖鑒觀四方求

人之□□□□□□□□□□□□□□□□□□□□

□□□□□□寺卿□□□□□□□□□□□□□□□□

□□□公□□□獄輕重無冤凡在官僚莫不欽仰  
駕旋軻行次汴州郭下有□汴二渠商侶所□游子□  
□□所□□□□□□□□□□□□存□□  
□以□□□□朝賢□公□在乃授使持節注州諸軍  
事汴州刺史於是下車布□□帷□部括遊惰抑工商  
斷向街門禁巷市者舫客停於郭外行侶□□留孤  
村□□□□居□令歸本令行禁止莫敢有□□  
□□□□□□□□□□朝宗以□德政爲天下  
之最賜帛三百疋仍勅諸州考使咸取則焉十六季除  
使持節摠管桂交尹藤簡□黃□越愛德□利□□象

□□十七州諸軍事桂州刺史□□□□□□□□  
 □□□□□□於律令□斟酌管內管人皆□土人□  
 授刺史有闕擬訖奏聞二佐以下卽令逃賊賜絹五百  
 疋□□□□□□□□□□□□□□□□□□□□  
 □□□□上表聞□□□□□□□□□□□□□□□□  
 以文德分□□□□□□□□□□□□□□□□□□  
 有州縣之名□□□□居之所公□簡□望□拔才□□  
 以職□□□□□□□□□□□□□□□□□□□□  
 □□□□□□□□□□□□□□□□□□□□□□□□  
 立□□□□□□□□□□□□□□□□□□□□□□  
 營□□□□□□□□□□□□□□□□□□□□□□  
 開建  
 庠序□致文儒歡喻□姓令其就業暮歲之後頓革□



素之交念□□之貴□成□立光國榮家者矣夫人同

郡汜氏周甘州刺史慶之女□□□□□□□□□□

□□□□□□□□□□□□□□□□□□□□□□

□□□□□□□□□□女也初拜□原郡君□遷河南

□夫人□以淑德仁明幽閑婉順□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

□□□□學士監修國史護軍彭陽縣□國公德棻陪

侍膝下夙趨教義□□□□□□□□□□□□不□□

□□□承□□□□□□□□□□□□□□□□□□言□









可知撰者以文字求之則子撰其父之碑也碑敘  
公諱熙遠祖邁祖虬而曾祖與父在泐文中不能  
辨則是子撰父碑直書名諱不必如後世之假他  
人填諱也唐書宰相世系表令狐氏出自姬姓周  
文王子畢公高裔孫畢萬爲晉大夫曾孫顛以獲  
秦將杜回功別封令狐生文子頡因以爲氏世居  
太原秦有太原守五馬亭侯範十四世孫漢建威  
將軍邁與翟義起兵討王莽兵敗死之此卽使君  
之遠祖也碑所敘與表合邁生三子伯友文公稱  
皆奔煊燎伯友入龜茲文公入疏勒稱爲故吏所

匿遂居効較稱生六子第三子由由六子長子禹  
禹生四子第四子溥溥生三子璜散瑒傳五世孫  
整魯孫亞亞孫敏敏五世孫虬即使君之祖也虬  
生四子元保整慶保休整即使君之父也惟曾祖  
不列于表中碑云祖虬魏龍驤將軍瓜郢二州刺  
史敦煌太守鵠陰縣開闕下北門書令孤整傳云整  
曾祖嗣祖詔安並官至郡守咸爲良二千石父虬  
北史整傳作料仕歷瓜州司馬燉煌郡守郢州刺  
蓋刻字之謬史封長城縣子大統末卒于家太祖傷悼之贈龍  
驤將軍瓜州刺史傳較碑加詳而無鵠陰縣之封

攷鶻陰縣漢置屬安定郡後漢改曰鶻陰屬武威郡晉以後廢省是鶻陰之名亾已久矣其地入於西魏置會州會寧縣後周並廢至隋開皇十六年復置會寧縣屬平涼郡隋書地理志平涼郡又有百泉縣後魏置長城郡又黃石縣西魏改爲長城縣隋時改爲百泉是長城縣與鶻陰同屬平涼郡地而其名皆昔有而今無不能定其孰是也据周書整傳知使君之高祖諱嗣曾祖諱詔安北史整傳作詔安父諱整周傳云字延保燉煌人本名延世爲西土冠冕刺史魏東陽王元榮辟整爲主簿加盪寇

將軍魏孝武西遷河右，亂整執，鄧彥送京師。太

祖表為都督，後以定晉昌斬呂典，狀聞于朝，詔徵

赴關，授壽昌郡守，封驥武北史作縣男，除持節撫

軍將軍，通直散騎常侍，大都督，遷使持節，車騎將

軍，儀同三司，散騎常侍，尋除驃騎大將軍，開府儀

同三司，加侍中，賜姓宇文氏，賜名整，孝閔踐阼，拜

司憲中大夫，進爵彭陽北史作縣公，權鎮豐州，除

豐州刺史，拜御正中大夫，出為中華郡守，轉同州

司會，遷始州刺史，天和六年進位大將軍，建德二

年卒，贈鄜宜幽鹽四州諸軍事，鄜州刺史，諡曰襄

此整歷官之始末也碑文缺泐惟存二州刺史及  
遺口被於萌黎功烈書於王府二語而已二州刺  
史者卽始豐二州語見隋書熙傳碑此下述使君  
之事云公明三禮工騎射解音律周武成之初始  
入國闕下上士尋遷夏官府都上士隋書令狐熙傳  
熙起家以通經爲吏部上士尋授帥都督輔國將  
軍轉夏官府都上士俱有能名碑云尋以內憂去  
任哀毀過禮口口口口口口大孝安親義不絕嗣  
吾今闕下哀號骨立口口不起周武帝將有河陰之  
役詔公墨綬從事口還口職方下大夫襲爵彭陽

公邑二千一百戶隋書傳云以母憂去職殆不勝  
喪其父戒之曰大孝在於安親義不絕嗣吾今見  
存汝又隻立何得遽爾毀頓貽吾憂也熙自是稍  
加饋粥服闋除小駕部復丁父憂非杖不起除與碑同  
北史傳同惟小駕部作少駕部彭陽作彭城爲異  
据碑泐文中尙存少字則北史是也舊是彭陽非  
彭城當以碑爲正周書武帝紀建德四年七月壬  
午上親率軍直指河陰八月己卯入于齊境攻河  
陰大城拔之會有疾九月辛酉班師碑所稱河陰  
之役卽此事也碑云建德五年六月口口留知夏

官府事口還口留守功增邑六百戶加授儀同大將軍宣政元年遷司勳口大口俄轉吏部隋傳云武帝平齊以留守功增邑六百戶進位儀同歷司勳吏部二曹中大夫周書武帝紀建德五年十一月己酉帝總戎東伐六年正月甲午入鄴城二月乙卯自鄴還京明年三月壬辰改宣政元年碑又云公筮仕之始卽在選曹其時吏部臨淄公唐口雅量高材望口德重口公識度每口與同席云云唐泐其名以周書傳攷之乃唐瑾也瑾傳云瑾年十七周文聞其名召拜尚書員外郎相府記室參

軍事累進驃騎大將軍開府儀同三司爵臨淄縣伯于謹南伐江陵以瑾爲元帥府長史論平江陵功進爵爲公累遷荊州總管府長史入爲吏部中大夫蓋熙以少年與瑾同爲中大夫又同在吏部故碑云然又攷于謹傳謹伐江陵乃梁元帝承聖元年事後三年立蕭詧爲梁主振旅而旋事在西魏恭帝初元而周太祖文皇帝尙居元輔之任也碑云柴燎太壇詔公行納言事開皇元年拜司徒左長史加上儀同大將軍進封河南郡開國公此皆入隋以後事也隋高祖以周靜帝大定元年二



月受禪隋傳云高祖受禪之際熙以本官行納言

事尋除司徒左長史加上儀同爵與碑同碑云吐谷渾

竊據西垂敢窺王略朝廷出車薄伐以公爲元帥

府長史蜀王以口幼之年遠鎮巴蜀弼諧之寄僉

議攸歸乃以公爲益府長史二年敘破渾之功加

上開府儀同三司俄授使持節滄州諸軍事滄州

刺史隋傳云吐谷渾寇邊以行軍長史從元帥元

諧討之以功進位上開府會蜀王秀出鎮于蜀以

熙爲益州總管長史未之官拜滄州刺史隋高祖

紀開皇元年八月甲午遣行軍元帥樂安公元諧

擊吐谷渾于青海破而降之九月辛未以越王秀  
爲益州總管改封爲蜀王又據隋傳庶人秀高祖  
第四子開皇元年立爲越王未幾徙封于蜀拜柱  
國益州刺史秀有膽氣多武藝上每曰秀必以惡  
終碑故云彌諧之寄僉議攸歸也碑云口口洛陽  
公朝行所闔州士庶謂公更有升口遠于將送悲  
不自勝及公還也老幼相攜出境下八年口河口  
道行臺度支尙書百姓追思立碑頌德改行臺爲  
并州總管府卽授并府司馬十一年轉雍州別駕  
尋改爲長史證以隋傳語皆合碑于洛陽上有泐

文傳則云開皇四年上幸洛陽也行臺上泐字乃  
河北道也碑云及車駕口以公口侍從又判禮部  
度支兵部刑部工部尚書及秘書監事傳但云往  
判五曹尚書事而已碑有車駕字侍從字隋高祖  
本紀開皇十二年七月壬戌幸昆明池其日還宮  
八月乙亥幸龍首池是年遊幸祇此二事不知熙  
之侍從在何時也碑云變駕旋軫行次汴州郭下  
有口汴二渠商侶所口下乃授使持節汴州諸軍  
事汴州刺史於是下車括游惰抑工商斷向街門  
禁巷市者船客停於郭外行侶口口口留孤村口

口口口口居口令歸本令行禁止莫敢有下德政

爲天下之最賜帛二百疋侶與旅同疋卽疋字隋

傳云上祠太山還次汴州惡其殷盛多有姦俠於

是以熙爲汴州刺史下車禁遊食抑工商民有向

街開門者杜之船客停於郭外星居者勒爲聚落

僑人逐令歸本考績爲天下之最賜帛三百疋傳

視碑較詳而帛三百疋與碑之二百疋者異也高

祖祠太山是開皇十五年正月事河南通志古蹟

門載開封府汴河故道云卽浚儀渠河舊出鄭州

滎陽縣大同山東經府城內又東合蔡河名蒗蕩

渠又名通濟渠東注泗州下入於淮皮日休銘云  
隋之疏淇汴鑿太行在隋之民不勝其害也在唐  
之民不勝其利也云云據太平寰宇記通濟渠在  
開封縣南二里大業元年引汴水入號通濟渠又  
琵琶溝在開封縣南十一里西從中牟縣界流入  
通濟渠隋煬帝欲幸江都自大梁城西南鑿汴水  
入卽蒗蕩渠也則通濟與蒗蕩是二渠河南通志  
謂蒗蕩又名通濟者非也然此二渠皆鑿自煬帝  
時此開皇十五年未有此二渠名則碑云口汴二  
渠不知何渠也碑云十六年除使持節總管桂交

尹藤簡口黃口越愛德口利口口象口口十七州  
諸軍事桂州刺史隋傳云上以嶺南夷越數爲反  
亂徵拜桂州總督十七州諸軍事累改武康郡公  
所謂十七州者碑泐其六以隋書地理志攷之尙  
有靜賀東寧安明玉等州名與桂林諸郡相鄰者  
然亦不能強合於十七州之數也碑云以疾固辭  
口旨不許闕二年八月十五日口於位春秋六十  
有三卽以其年十二月口口於京城之口以大唐  
貞觀十一年十一月五日歸葬於口州華原縣之

闕隋傳云在職數年上表曰臣忝寄嶺表四載于

茲大馬之年六十有一年疾俱侵請解所任優詔  
不許有人詣闕訟熙受交州渠帥李佛子賂旣而  
佛子反上大怒鎖熙詣闕熙行至永州憂憤卒年  
六十三北史傳與此同周書附整傳但云大象中  
位至吏部中大夫儀同大將軍蓋入隋以後歷官  
不入于周也碑不詳熙被逮事子爲父諱也碑於  
二年上有泐字當是仁壽二年至貞觀十一年歸  
葬距其卒三十六年而撰文立碑在乾封二年又  
距三十年合之其踰六十六年矣華原縣屬雍州  
殆因其子德棻徙居乃遷熙柩歸葬而唐書德棻

傳遂不曰燉煌而曰宜州華原人也然宜州爲唐  
初所置貞觀中廢天授二年始復置其後改爲耀  
州是及德棻之身宜州之廢久矣碑又云夫人同  
郡汜氏周甘州刺史慶之女初拜口原郡君口遷  
河南口夫人此蓋以合葬而兼敘夫人也廣韻云  
汜姓出燉煌濟北皇甫謐曰本凡氏遭秦亂避地  
於汜水因改焉汜氏之先見於晉書者二人一爲  
汜毓見儒林傳係濟北廬人客居青州與夫人異  
派一爲汜騰見隱逸傳爲敦煌人當是夫人之先  
世也碑稱夫人爲同郡蓋與熙同貫敦煌也其父



慶周書北史俱無傳碑云學士監修國史護軍彭陽縣口國公德棻陪侍膝下夙趨教義云云此德棻自敘其官也舊唐書德棻傳貞觀六年累遷禮部侍郎兼修國史賜爵彭城男十一年修新禮成進爵爲子永徽九年累遷太常卿兼宏文館學士四年遷國子祭酒兼授崇賢館學士又撰高宗實錄進爵爲公龍朔二年致仕仍加金紫光祿大夫乾封元年卒於家新書傳稍略然彭陽作彭城則同誤也碑于學士之上有泐文据傳是崇賢館也碑立於乾封二年其時德棻已卒而此行年月之

下其泐四十餘字中間尙存武騎尉三字當是德  
棻之後人官武騎尉刊其遺文而立于墓上抑或  
是爲德棻附葬因追爲熙立碑也隋傳稱熙有四  
子少子德棻最知名今見於唐書宰相世系表者  
只德棻一人其三人但有孫曾列于表內亦無官  
武騎尉者則武騎尉不知何人也此碑金石家皆  
未著錄因詳攷之

金石萃編卷五十六終